

TEZAUŢ LITURGIC
16 MAI
RUGĂCIUNEA SF. CUVIOS
MATEI ȚVETOV DE LA IARANSK
Молитва

**ко преподобному отцу нашему Матфею,
Яранскому чудотворцу**

О, преподобне отче наш Матфее, Яранский чудотворче! От юности твояе всем сердцем Христа возлюбивый, исполненный духа премудрости и разума, духа веры и благочестия, невозвратным желанием Тому Единому последовал еси, сердцем смиренным все заповеди Господни исполняя. Ты приял еси образ Ангельского жития, неленостно подвизаяся в посте, бдении и молитве, восшел еси на высоту добродетелей, восприняв от Всещедрого Бога множество благодатных даров духовных. Дар прозорливости, дар недугов душевных и телесных врачевания, еще на земли обильно в тебе явися. Многим бысть добрый наставник и утешитель, пастырь и молитвенник. Во дни скорби и лютаго гонения от безбожных, во дни нестроения и смуты, ты, яко звезда светозарная в нощи, православным людям верный путь спасения озарил еси, пастырей в подвиге исповедничества и мученичества утверждая, монашествующих непреложно

следовати заповедем Христовым научая, множество верных чад Церкви нашае утешая и вразумляя.

Сам же гонения, скорби и болезни претерпев, ныне Отечества небесного достигл еси, по преставлении своем духом от нас не отлучаяся, обильно же благодатную помощь подавая всем с верою и любовью притекающим к тебе.

Темже смиренно молим тя, преподобне отче наш Матфее, ныне, вкупе с преподобным Трифоном, блаженным Прокопием, Вятския земли чудотворцами и предстателями, и всеми святыми, вознеси своя благомошныя молитвы ко Христу, Спасу нашему и испроси у Него веры православныя во Отечестве нашем утверждение, пастырям ревности, монашествующим в подвигах благих преуспеяния, всем Христианом благочестиваго и добродетельнаго жительствова. Научи нас всею душею и сердцем любить и прославляти Пречестное и Великолепое и Сладчайшее Имя Господа нашего Иисуса Христа, Егоже и ты возлюби еси. непрестанно во устех и в сердце Его имея. Да и мы прославим жизнью нашею Отца и Сына Святаго Духа ныне и присно и во веки веков. Аминь.